





Ir gwalt ist veracht
Ir kunst ist verlacht
Irs liegens nit gacht
gschwecht ist ir bracht
Recht ist's wies Gott
macht.

Ambrosius
Blaurer.

M. D. XLIII.



Abb 43

(3)



103.



Mit Hail.



Ir Christlichen Her

ren vnd aller liebste brüder in Chri
sto/ Dieweyl aller gewalt/ eer reich
tumb/ gesundheit/ wollust/ sampt
allem/ so vns in disem arbeitsamē
müseligen leben angenehmes/ vnnnd
glücksäligs widfarē mag/ so ganz

kurtz vnd hinfellig/ falsch vnd betrogen ist/ wie der heylig
Esaias sagt/ Alle menschen seynd grasß/ vnd all ir glo
ry/ bracht/ vnd herligkeit/ nit anders dan die hewblümē/
Das grasß ist außgedorret/ vnnnd die blüm abgefallen/
vnd aber alleyn das wort des herzen bleybt ewiglichē/
in welchem auch vnser gemüt vnnnd seel/ als ein ymmer
werent/ onuergencklich/ von Gott erschaffen güt/ ewig/
lich erhalten/ vnd sälig werden muß/ Wie geschribē ist
im Psalmen/ Der herz hat seyn wort gesandt/ vnd in ge
holffen/ vnd sie erlediget von irem verderben/ vnd vns
aber diß sein wort vnd ewiger göttlicher will/ sunderlich
durch heylige Biblische geschriffte des alten vnd newen
Testaments angezeygt vnnnd eröffnet ist/ deren auch
durch menschlich fürwitz vnd weyßheyt/ nichts zū oder
von gethon soll werden/ als er selbs gebeüt/ Deuteron.
iiij. vnd. vij.

Esai. 40

Psal. 106.

Deute. 4.
&. 12.

Ist demnach billich/ das wir vnserm barmhertzigen
herzen vnd gnedigen Gott/ vnserm getrewen güttigen
vatter/ seyner vätterlichen trew vnnnd lieb/ nach höchstē
vermögen in allweg danckbar seyend/ diß seyn heyligs
ewigs wort/ mit hitzigen begyrdē anfassend vñ zū her
zen nemend/ dasselbig all andern zeytlichen/ leyblichen

dingen fürziehend/ vns darvon durch keyn menschlich/
 en/ oder teuffelischen gewalt abtreiben/ vñ wenden las/
 send. Desgleychen auch den dienern vñnd hauffknech
 1. Cor. 4. ten Gottes (als sie Paulus neint) die vns dan diß wort
 reynvñ lautter on menschē tant vñ zusatz fürgebent vñ
 lerent/all zucht vñ eer beweysent/ Auch mit gantz Chu/
 stenlichem ernst vnd dapfferkeit ob in halten/ da mit sie
 jr notwendig heylsam ampt von mencklichem on geyr
 ret/on all forcht vnd zntsitzen versehen vnd vollstrecken
 1. Cor. ul. müigent/wie dan auch der heylig Paulus die von Corin
 then fleysfig vermant/dz sie seynen Junger Timotheu/
 der jnen predigt/on sorg/sicher/vñ forchtloß halten wöl/
 ten/von wegen das er jnen vor wer in dem werck Got/
 tes. Desgleychen vermant vnd bit er gantz getrungen/
 1. Theff. 5. lich die Thessalonicenser/das sie ire Prediger in höchster
 acht vnd eer halten vnd frydsam mit in seyent/von jres
 1. Tim. 5. ampts wegen/ Dan (wie er seynē Timotheo zuschreybt)
 die da arbeyten in dem wort Gottes/ seynd zwysacher
 eer würdig.

Darumb o frummen herzen/ welchen ein lobliche statt
 Costentz zu verwalten beuolhen/vñ vertrawet ist/ Die
 weyl eüch Gott der herz/ auß sunder gnad vnd barm/
 hertzigkeit/etlich gantz kernhafft Christenlich Prediger
 gündt/vnd zu geschickt hat/die eüch seyn heyligs wort/
 so sich dan yetz allenthalb hören laßt/ mit grossen fleys
 vnd ernst getrewlich verkündent. Die aber widerstandt
 leyden vnd angesochten werdē/von denen/so doch selbs
 auß pflicht jres ampts zu predigen schuldig/ vnd aber
 darzu in ansehen jr vnwissenheit/vntöglich vnd zu ge/
 ring seynd. Wöllen zu surderung der warheit/ vnd heyl
 der seelen/ die selbigen eüwer prediger durch keyn falsch
 vermeynte geystlich genant Jurisdiction/vergwaltigē/

vnd inen den mundt zu stopffen lassen/sunder darob vñ
daran seyn/damit das wort Gottes on angebundē/ vñ
in allweg seynen freyen gang vnd fürzug haben mög.

Lassent eüch nit bewegen/ das schreyen/ vnd vngegründt fürgeben/deren so in diser sach/die Got vnd see-
lich heyl berürt/ynziehen lang breüch/heylich vätter/ vil
Concilia/dañ Christus sich nit gewonheit/sunder war-
heit geneit hat/ Auch sollen vnd wollen die heyligen vä-
ter vnd Concilia nit anderst angenümen vnd gehalten
werden/dañ als weyt jr leer/ordnung vnd satzung/hey-
liger leyblicher geschriffte gleychförmig vñ änlich ist/ dan
wa das nit/ist gewiß/ das sie nit auß dem geyst Gottes
(welcher keyns wegs im selbs entgegen)sunder auß eyg-
nem won vnd gütem beduncken/vñ folgends mit ver-
mischung menschlicher yrthumb gelert vnd gehandelt
hond. Lassent eüch nit erschrecken das groß ansehen der
Römischen kyrchen/ deren mißordnung/vñ verdampft
eüch/ yetz durch göttlich schickung/ aller welt kundtlich
vnd offenbar worden. Welcher satzungen auch nit güte
oder krefftig seynd/dañ so ferz sie mit stymment der rech-
ten gemeynen Christenlichen kyrchen/ die gegründt vñ
erbawen ist vff den vnbeweglichen felsē des starcken
vnd ewigen wort Gottes.

Ioan. 14.

Math. 16.

Lassent eüch nit yren den stumpffen ströen stral ires
vngegründten bannes/den sie nit nach erforderung gött-
lich ynsertens/sunder nach eygen lust vñnd mütwillen
vnderstond zu schiessen in die frumen vnschuldigen/ vñ
alle die so iren eygennütigen gebortē nit gehörig seynd/
Sie werden flüchen vñ bannen/Aber du herz wüß dey-
nen segen geben/sprach der Gottgefellig David.

Psal. 108.

Entsytzent nit iren vffgeblasnen vermeyntē gewalt/
welchen sie/als der außewelt Paulus sagt/alleyne habēt

1. Cor. 10.
& vlti.

zū besserung vnd vffbauung/mit zū zerstörung vñnd
verderblicher ergernys.

Achtend nit das sie geystlich/vnd aber jr weltlich vñ
leyen genent werdent/ das sie sich rhümend heüpter der
Kirchen/ Stathalter Gottes/ liechter der welt/ das
Galat. 2. Salz der erden/vnd der gleychen. Dan wir nach auß
Rom. 12. weysung der geschrifft/all eyns synd in Christo/in eynem
1. Cor. 12. glauben/eynem Tauff/eynem Euangelio/ vnd seynd
Ephes. 1. all ein geystlicher leyb Christi/der vnser aller oberer vñ
Colof. 1. haupt ist/vnd sie alleyn vnser brüder/ja mitglyder synd/
wie wol sie vertreten solten das ampt vñnd übung der
wirdigesten/vnd edlesten gelyder/vnd gleych als die au-
gen seyn der Christenlichen braut vñnd gespons. Die
weyl sie aber (leyder) jr ampt vnd beuelch/mit vnserm so
vnleydenlichem verderbenliche schaden vñnd nachteyl
in vergessz stellend/vnd dise augen anhebend dem gan-
zen leyb/der Kyrchen ergerlich seyn/söllend wir sie nach
Mat. 18. dem geheysz Christi außstechen vñnd hynwerffen/ so es
doch anderst nit geseyn mag/vñ keyn besserung an jnen
zūuermütten ist/vñ müßend aber die anderen gelyder
dester mer fleysz an keren vnd sorgfelter seyn/damit
durch jr ernstlich anhalten vnd zūthün erstattet werd/
das an den augen vnd geystlich genanten abgat/ dann
die müssen wir ye in die schantz schlagen/vnd ist nit an-
Mat. 5. ders daran/ dann wie Christus spricht/ das verdorben
saltz wirt hyngeworffen/vnd auch mit füßen getretten/
nit das wir sie würgen vnd zūtodt schlagen sollen/ ja so
ferz es alleyn umb den leyb/vñ zeytlich güet zūthün wer/
sollten wir jr tyranney in Christlicher gedult williglich
leyden/damit wir in fryd vnd eynigkeit beleyben möch-
ten. Die weyl aber je vngegründt grausam fürnemen
zū beschwerd der gewissen/vnd seelen reychen will/vnd

sie vns das wort Gottes/in welchem alleyn vnser geyst/ Deute. 8.
lich vffenthalt ist/ gewaltsamen wöllend/ vnd gefangen Matth. 4.
nemen/ sollend wir inen des keyns wegs gestatten/ vnnnd
soll da vff hören/ all menschlich recht/ all Jurisdiction/
all pact/allwertreg/ vnd die eer Gottes/vñ seyn heyligs Actū. 9.
wort mer dan all mēschlich gehorsam/gewalt oder bündt
nyß/betracht vnd angesehen werden.

Weyne schäfle (spricht Christus) hörend meyn stym/ Ioan. 10.
vnnnd lauffend keynem frembden nach/ Denen er auch
befolhen hat/ das sie sich bewarend vor den zuckenden
wolffen/die sich vnder der schaff woll zū der herd schla-
hent/damit sie dester hoflicher/ betriegent. In welcher
vermanung des herzn klärlich anzeygt wirt/das wir als
die schaff/recht haben zū vrteylen/die leer vnnnd predig
vnserer hyrten/Sie sollen vns verkünden vnd fürwen-
den Christenlich geschriff/ vnd leer/ Aber wir durch den
geyst Gottes/sollen jr leer fleysig erkiesen/ vnd vrteylē/ Hier. 23.
welches spreüwer/ vnnnd welches waitzen sey. Also leret
auch mit außgetruckten runden wortten/ der heylig Pau 1. Cor. 4.
lus die Corinthier/das/wañ sie zū samen kummen/ sol-
len zwen oder drey die geschriff außlegen/ vnd aber die
andern/ so dann zū hören/ vrteylen/welcher wol vnnnd
recht außgelegt hab oder nit. Dergleychen ist auch vil
ander kuntschafft in der geschriff/sollichs bezeügēt/ wie
man dan (so es nott wirt) mit hauffen fürwenden vnnnd
stellen mag.

Alleyn frumen herzen vnnnd brüder gestattent nit das
eüwer getrew Christenliche prediger/ über jr vilfältig
gantz zymlich erbietten / das auch bey Juden vnnnd
Heyden genügsam geacht wirt/ in eynen winckel ge-
tryben/ vnd vngüblicher weyß gerechtfertigt werden

Das jr leer nit leyden müß/das vrteyl deren/ die sie eynt?
weder selbs nit gehört/oder der sach/wie kündlich/keyn
Pfal. 18. verstand habē/die gericht Gottes (spricht der Prophet)
seynd warheit/ gerechtfertiget durch sich selchs. Auch
Ioan. 6. sagt Christus im heyligen Euangelio/wie er wed kundt
schafft noch klarheit neme von den mensche/vngezwey
Pfal. 115. felt von des wegen/ das sie all (wie Dauid spricht) falsch
Roma. 4. vñ lügenhaft seynd. Deshalb das wort gottes durch
sich selbs/vnnd geschriff mit geschriff geurteylt/vñ ver
stendlich gemacht müß werdē/vñ wirt keyn menschlich
yrdisch vrteyl leyden/sunder widerumb sollen vnd müß/
sen/all ander geschriften/leeren/sagung vñ ordnungen
der menschen/Es seyend Vätter/Bäpst/oder Concilia
von disem götlichen wort/vñ heyliger geschriff gericht/
vnd geurteylt worden.

Darumb o Christlichen menner/lassent dis sach nit
hyndern Dfen verdempffen/thün der warheit getreü/
wen Christmessigen beystand. Die Bischoff vnd geyst
lich genanten seynd (ja solten seyn) nit mer dann knecht
1. Cor. 4. vnd diener gemeyner Christenheit/denen beuolhen ist/
ander zü weysen vnd zü leren nach nutz vnd wolfart der
seelen/vnd außweysung Biblischer geschriff.

Deshalb jr sie auch/ auß ewern ordenlichen/vñ von
Gott beuolhenen gewalt/dartzü halten sollen vnd müß/
gen/das sie iren dienst vnd ampt/wie sich zympt vnnd
gebürt/volstreckent/ Ja darumb tragent jr auch das
Roma. 13. schwerdt (Als Paulus sagt) das jr das übel verhütten/
vnd die bösen schedlichen menschen straffen sollend/vñ
ist nyemandt auß götlichem rechten/vor ewern gewalt
vnd oberkeit gefreyet/ Er heysß Bischoff oder Väter/
dan auch Christus selbs/des Statthalter sie auch fürge
bend/weltlichen gewalt gehörig/vnd vnderthenig ge
wesen ist. Er hat

Er hat den zoll bezalt wie ander/ seyn werde vnbe/ Matth. 17.
Luce. 2.
fleckte mütter (wie wol schwanger) hatt sich doch gen
Bethlehem gefügt/ vnd ist alda wie ander frawen/ mit
darreychung bestymmts gelts/ yngeschrieben worden/ als
das Euangelium klärlich außweyßt. Aber vnser Kirch
en Junckherren/ haben sich selbs/ on allen grundt auß
eygenem gewalt gefreyet/ vor eüwern gewalt/ vnd ein
eygen reych vffgericht/ damit sie alleyn vngestraftt sün/
digen möchtē/ so doch jr ampt (laut der geschriffte) nichts
anders ist/ dann ein dienstbarkeit der verkündung des
göttlichen worts.

Dieweyl aber diß jr selb getröst erstyffte freyheit zu
vnwiderbringlichem verderblichem schaden der seelen
vnd nachteyl Christenlicher Euangelischer leer reychē/
will sich keyns wegs zymmen/ das jr an dem ort lenger
zusehend/ vnd jrem schedlichen Regiment raunt gebē/
Sunder sollent jr bey eüwer seelen sälligkeit/ bey verlie/
rung göttlicher huld/ dem übel widerstandt thun/ vnd
nit gestatten/ das jr vnd die eüwern/ der massen vnd al/
so/ von jnen verwysen werdent.

Seynd sie diener Christi/ vnd außteyler Göttlicher 1. Cor. 4.
heymlicheyt/ beweyssen sie das selbig mit der that. Ist jr
sach güte vñ gerecht/ werdent sie das liecht der geschriffte
vñ warheit nit scheühen/ dan alleyn (wie Christus sagt) Ioan. 3.
der da übel handelt/ hasset den tag/ damit seyn bößheyt
nit entdeckt werd.

Darumb/ die weyl sie die geschriffte nit leyden/ auch
uß der selbigen/ weder red noch antwort geben/ als sie
hün pflichtig/ sunder alleyn mit menschlichem De/
llichem recht vnd gewalt faren wollen/ machent sie
emen/ auch den schlechtuerstendigen eynfaltigen
t vñ argwönig. Ja sagent sie/ man bedarff nit

weytter von disen sachen reden oder disputieren/dan die
seyrthumb synd vor etlich hundert jaren/von den vät-
tern/Päpsten vñ Concilien verdampt vñ außgereit.

Das doch warlich eyn schimpflich gantz kyndische
red ist an die/so hyrten vnd lerer der schaff Christi/auch
Kabbi der geschriffte geacht vnd gerümbt wöllen seyn/
dan haben die vätter oder Concilia in den sache vnsern
glauben betreffen/on grundt des götlichen worts etwas
vffgericht oder verdampt/ist nyemant pflichtig das sel-
big anzunemen/ ist aber jr süren eynen in heyliger Bi-
blischer geschriffte gegründt vñnd der selbigen gleychfö-
mig/solten sie vns billich die selbigen örter der geschriffte
anzeugen/die weyl doch die Bibel noch verhanden ist/
die auch die vätter vnd Concilia gebraucht haben/ od-
sollen brauchē. Aber in sumā sie wissen das sie jrer sache
keyn grundt/vnd jr hauß vff eynen sumpffigen sandigē
boden gebawē habē/defhalb sie vns gern mit hübscher
weyßer schieme betriegē/vñ grossen eerlichē Titeln/vñ
namen der Vätter/Päpst/vñnd Concilien erschrecken
wölten/dan jr fürgeben die prob heyliger Biblischer ge-
schriffte/vnd ewigen götlichen worts/vff welches alleyn/
wir vns sicher vñnd frölich erwegen sollen mit erleyden
mag/das sie nit vnbillich in die nacht vñnd synsternyß
fliehen mit so böser vnkeüffiger war.

Darüb Christlichen herzen vnd handhaber der ge-
rechtigkeit wöllen hie ein ernstlich dapffer vñ gantz tru-
genlich ynsehen haben/vñ verschaffen alle ding offent-
lich an der sonnen gehandelt werden/damit aller menig-
lich hertz vnd gewissen entscheyden vnd getröst werd.

Dan nyemandt kan eüch solchs verargen/keyn ver-
stendiger wirts eüch nit verweyssen/ nyemant wirts i-
ewer hohen vernunft vnd Christenlichen weyßheit

Der Tlica-
rius saget
zu de helf-
fer / Wir
wöllen nit
disputiere
sunder in-
dicieren.

seelen/so jr eitwern pfarrherren vnd Bischoff/ den jr lang
in grosser acht/ vnd hohen eeren gehalten/ yetz zu der zeyt
der nott seynes ampts fleysig vnd getrungelich verma
nent/das er nach inhalt des Göttlichen worts (das er
doch selbs nye verkündet hat) vrsach anzeyg des glau/
bens vnd seyner vrteyl/dan wie Paulus sagt/ ein Bi/
schoff soll taugenlich vnd geschickt seyn ander zu leren/
Er soll mechtig seyn mit dem gots wort die widerspeni/
gen auß geschriffte zu geschweygen vnd nit seyn eygner
nutz vnd weltliche bracht/mit nachteyl der seelen gewal/
tigklich wollen erhalten. Dieweyl doch wir nit vō seynen
wegen/auch er nit von seyn selbs/sunder alleyn von vn
ser/als der schaff wegen/zū eynem hyrten vnd wächter
geordnet ist. Dis verman ich euch weysen herren/nit als
ob jr an dem ort hynlessig oder seümig seyent/dan jr di/
se sach/nach bester form gantz geschickt vnd Christen/
lich zu handen genumen/vnd angefangen habent/ sun/
der das ich wais die arglistigkeit/ vnd tausentfündigen
mütereij des alten Schlangen/der sich ongezweyfelt vff
das aller höchst gegen euch vff bewmen/ vnd all seyn
heyl versüchen/all seynen fleys ankeren wirt/damit eü/
wer göttlich surnemen gehindert vnd nyder getruckte
werd/vn so jm all geschwindigkeit seelen/ wirt er eyn be
schwerd vff die and ynziehē/eyne vnthat über den and
anrichtē vnd ynwerffen/damit jr doch vff das wenigst
matt/vnd vrdutzig werden/vnd zu lest sagen/ hat vns
als vnglück mit den Psaffen behenckt. Wir wollen zu
fryden seyn/vnd sie das jr schaffen lassen/ Dann dis ist
seyn letster gryff vnd behelff/in der gleychen/ notwendi/
gen Christenlichen sachen.

Aber O jr lieben herren vn brüder/nemend die sach
t zu hertzen/bedenckent vn erwegent bey euch selbs/

B ij

i. Petri. 9.
1. Tim. 3.
Ad Tit. 1.

wie vil daran gelegen sey/ wie abbrüchlich götlicher eery
wie schedlich vnd nachteylig es eüch vñ den ewern seyn
würdt/ wa jr in diser handlung/ das Gott gnediglich
verhüten wöll/erligen solten. Wölte eüch der Bischoff
eyn eynig hoffstat mit gewalt entwörē/oder weytter dan
im zympt überbawen/jr würdent im on gezweyfelt sol/
lichs keyns wegs gestatten/ das jr doch on verletzung
göttlicher matestat/wol zü lassen vnd nachgeben möch
ten/wie vil mer sollend jr darob vnd daran seyn/ vñnd
verhürtē/das seyn geystlich genant regiment nyemandt
an der seel vnd seligkeit hynderlich sey.

Pfal. 26.
Helffer
Hiere. 26.
Haltendt an/haltendt an/beharendt bisß züm end/
thünd manlich/Wie der Prophet sagt/vnd eüwer hertz
werde gesterckt/rettendt den strummen vor den henden
seyner seynd/als auch die weltlich oberkeit/mit dē volck/
den heyligen Hieremiā vor zeytten erredt von den fal/
schen Propheten/vnd Psaffen/lassent eüch der müe vñ
arbeyt/in eynere so Christenlichē sach nit verdriessen/ er/
lygendt nit an dem werck Gottes/dan eüch hundertsel/
tig widerlegung bereyt ist.

Philip. 2.
Christus der eynig ewig Gottes sün/hat von eüwert
wegen in hartseligkeit vñnd leyden beharret bisß in den
bittern todt/damit er eüch brechte zü dem leben/ lassent
eüch in schuldiger geflyßner danckbarkeit hynwider nit
schwer seyn/ ernstlich vñnd vnuerdrossenlich zehalten
ob seynem wort. Achten nit keyner eüsserlichen zeytlichen
sach. Vnd ob jr auch leyb vnd güt/sampt der Statmau
ren darumb geben müsstent. Die sach ist höher vñ gröf
ser/dan alles so zeytlichs vñ leyplichs erdacht mag we
den/ Ja auch dan hymel vnd erdtrych/ dan so diß
zergon/wirt doch das wort Gottes/ ewig vñnd
ruckt beleyben/vnd müsstent auch jr/vnd wir

selbigen ewigklich sällig vnd behalten werden.

Gedencket O Christliche männer/wie ewer standt/
hafft dapfferkeit/vnd geschriffmässiger trutz/so wolge
fellig vnd angeneh seyn werd/ vor den augen götlicher
maiestat/wie loblich vnd eerlich vor allen verstendigen
güthertigen Christen. Wie vil ander stert/durch eüwer
manlich handlung auch behertzigt werdē ewern Christ
lichen Exempel nachzefaren/ Wiewol werdent eüch
darumb reden all eüwer nachkummen/wie groß lob vñ
dancck werdent sie veriehen der gewaltigen handt Got
tes/die sie durch eüwern fleyß vnd züthün erlediget hat/
von den seynden des Creütz Christi/von disem waichen
gantz weybischen volck/das alleyn weltlich gewalt/ eer/
vnd bracht/zeytlich güth/leyplich rüw vnd wollust/ vnd
(wie man sagt) güth tag/mit ander leüt schaden vnd ver
derben vff erdrich süchet/Wölches vns/ auß beschul
dung vnser sünd/Gott der herz vil jar vff den hals ge
setzt. Vnd aber yetzt mit gnedigem ynsehen jren falsch
vnd betrug entdeckt/vnd an das liecht geben hat/ will
vns widerumb vätterlich auß jr grausamē gesencknyß
erledigen/so ferz wir in/in seynem wort erkennen vnd an
nemen wöllen. Dartzü wöll er eüwer gemüt vnd hertz
durch seynen geyst krefftigklich bewegen/vnd stercke ge
ben/nach seynem lob vnd wolgefallen fruchtbarlich vñ
in allweg Christenlich zühandlē/damit seyn nam in eüch
vnd vns allen geheyliget/gelobt/vnd geeret werd im
vnd ewigklich/Amen.

Es wirt bey unsern zeytten vil

Christenlich dem Christenlichen volck/doch alles vn
sern nam des wort Gots verkündiget/ Vnd auß

Dem groß ergernysß der eynfeltigen/ vil verwirung der
gewissenheyten/ merckliche zerüttung brüderlicher lie
be/ Vnd darnach allerley gezanck/ neyd vnd vnwill ver
ursacht.

Zu welches fürkummung vnd vorab die eere des All
mechtigen/ zeuffen/ ist eyns Ersamen Rhats diser statt
Costantz ernstliche bitt vnd meynung. Das die Predi
canten alhie/ nün sÿrohin an den Cantzeln gar nicht
Predigent/ vñ dem volck verkündent/ dan nür das hey
lig Euangelium/ hell/ klar/ vnd nach rechtem Christen
lichem verstandt on ynmischung menschlichen zusatzes
der vff heylige Biblische schriften nit begründet ist/ be
sunder nün nach auslegung des Euangeli selbs vñnd
heyliger Biblischer schriften/ vnd was sie mit Biblisch
er schrifft erhalten mögent vnd beweysen/ doch darbey
aller sabeln/ vnnützen rant/ auch disputierlich sachen/
daran den Christglaubigen nit vil gelegen/ oder jnen zu
wissen on nott ist/ auch wz in yrtung sie fürē möchte/ od
wider die oberkeyt bewegen/ vnderlassent/ Vñnd
alleyn sagen/ was zu warer eere Gots/ vnd
zu bereüwigung der gewissenheyten
dienet/ dartzu was in Gottes
liebe vñnd des näch
sten laut
tet.



Fg 3022

ULB Halle 3
003 005 81X



5b1





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

Centimetres

Farbkarte #13

B.I.G.

Blue Cyan Green Yellow Red Magenta White 3/Color Black

